

二

曲

集

三曲集卷之二十三

襄城記異

襄城後學劉宗泗彙輯

康熙辛亥三月廿六日二曲李隱君先生招其太翁
信吾忠菟以歸鄉紳父老鑿楮陌爲詩歌以祖其行
先一夕予命樵工鑿信吾傳於石自鎮將廳尉以迄
殉難未有名氏之五千人背勒銀蟲日暝諸工役約
一二十輩方謀貼席間門外有鬼聲高亮悲凄達人
心骨諸役毛悚舌縮至偃立不能歷階時有工書張

二曲集

卷二十三

襄城記異

一

文升者強出壯語語鬼曰吾奉邑侯命爲若輩砌龕
鐫碑經營備至若輩復何鳴耶俄而聲止夫幽顯懸
如隔世冥冥寂寂視不見而聽無聞顧乃騰爲聲息
逼人耳根不亦大可異也與怪神聖人所不語鬼神
知者所敬遠吾不敢謂事之果有一誠可格體物不
遺吾亦不敢謂理之絕無故往往於恍惚影響不可
端倪之中識昭假之道焉隱君先生孝思殷摯才皇
蕤原便作白雲悲號廢寢廢食泣訴社雷欲招長夜
之寬一段疑誠天地可感神鬼可泣也又何疑赤忠

英靈不來臨來享也乎仗義伸節骨馨情怡信吾翁
應無怨痛或因隱君求索幻渺呼搶孔急乃微示無
形無音之音慰孝子罔極之思乎或曰非此之謂也
信吾翁甘心白刃視死如飴神遊天上固無日不依
孝子餐息而必待歸轍而始象教焉不幾淺語夫信
吾翁也與哉蓋綠隱君孝子仁人曾與鄉紳劉宗洙
約牒挾五千遊魄歸宿華嶽是以驀然來告予曰謂
此聲爲信吾翁之聲隱君感通之大孝也謂此聲爲
五千人之聲隱君錫類之至仁也如在其上如在其左

右總之由隱君而發也信吾翁歸矣五千人攜歸矣
神返室堂游優爾休今而後應無復有青燐夜泣者
濡露秋霜宰土者且將牲脯以壘祀於藏玉處也計
藏玉處凡六匱一在西門內澗井一在西南坑一在
西門外一在北門外壇側一在城北韓莊一在南新
河溝其餘零星悉隨在而瘞之古井焉皆鄉賢劉公
四冲暨邑之紳士百姓捐重貲以襄厥事者英靈悉
知予不復贅

賜進士第文林郎襄城縣知縣張允中記

叙事

崇禎壬午春二月關中李隱君先生之尊人信
吾翁從總督汪公征闖逆於河南之襄城師覆
翁隨汪公殉難是時先生尙穉後年漸壯以母
在不獲覓骨每思及襄城輒流涕終日及母歿
服闋庚戌冬十月乃告墓出關甫抵襄境卽號
慟廢餐邑宰東峰張公居恒仰慕先生若渴一
聞其至亟出城謁迎見先生衰服草屨驚詢其
故知爲招魂來也次日昧爽公擢文詣廟同先

生禱於隍神覓覓禱畢先生爲位於翁之原寓
號泣以祭淚盡血繼觀者哀之張公念翁沒於
王事謀豎碑祠祀以慰孝思瀕別公出郭祖餞
仍遣吏供中火於邑之東界次年三月二十五
日先生旋旆公復出城遠迎適祠碑告竣是晚
先生齋沐宿於城內隍廟祠在城外南郭夜分
群工未寢忽鬼聲大作衆皆震慄次晨蒲城喧
傳人人駭異平日絕不信鬼神者至此莫不悚
然爭相虔祭用慰旅覓第三日先生辭祠西行

公同鎮守游擊將軍王君學博馬君及閩城鄉
官舉貢生員祖鶴於十里舖復遣吏供中火於
邑之西界先生既躬捧覽牌歸陝襄人念翁之
義烈不置遂誌翁生時年月及死事巔末於石
起塚西郊某樹松栢楸楊森列成林周圍繚以
牆垣仍豎碑林前題曰義林清明時祭則邑紳
劉君宗沐率子姓奉祀祠碑之在南郭者春秋
丁次邑宰致祭其祠內題咏祭文哀挽甚衆詳
見義林誌

康熙十年秋孟朔

襄城馬永爵記

書襄城記異後

予讀襄城記異而不能無說也中庸之第十六章有曰鬼神之爲德其盛矣乎而章終又結之曰夫微之顯誠之不可掩如此夫夫鬼神無形與聲視之不見聽之不聞然無形而有形形者無聲而有聲聲者此其所以體物不遺也洋洋乎如在則何在非鬼神不可度矧可射以言乎盛盛莫盛於此以言乎異異莫異於此矣而非異也誠也襄城何異乎而記之記異也記鬼神

也崇禎壬午年間盤屋李隱君之尊人信吾翁
從軍討賊以身殉難與五千人同死襄城迨康
熙辛亥隱君孝思殷華哀慕不已淚盡繼之以
血抵襄招覓撰文禱於陰神之廟約牒五千遊
寬隨信吾翁歸宿華嶽襄令東峰張公於其歸
也爲之勒碑構祠俎豆千秋以慰孝思以彰義
烈將歸前一夕邑之襄事於祠者凡數十人忽
聞鬼聲號泣淒愴悲涼沁人肌骨其駭異焉而
縮舌不敢吐諸工役中有一人強出數語妄其

靈乃止嗚呼異哉群襄之人相傳亦無不以爲異也而非異也誠也大禹謨曰至誠感神隱君誠孝格天而不匱永錫宜乎無聲無形之鬼神有聲響以應之耳或謂予曰昔人有無鬼之論然乎否乎予曰無鬼是無物也不誠無物子不觀子產之立公孫洩乎鄭人相驚以伯有曰伯有至矣則皆走不知所往子產立公孫洩及夏止以撫之乃止子產曰鬼有所歸乃不爲厲吾爲之歸也子產適晉趙景子問曰伯有猶能爲

鬼乎子產曰能人生始化爲魄既生魄陽曰魂
用物精多則魂魄強是以有精爽至於神明然
則伯有之爲厲豈非鬼乎伯有之爲厲用物弘
而取精多也况乎信吾翁死王事其精爽與日
月爭光而五干人生氣英英復不滅田橫島上
之五百人也安得不顯其異於臺城乎易繫傳
曰原死反終故知死生之說精氣爲物游魂爲
變故知鬼神之情狀知鬼神之狀且知鬼神之
情而鬼神之聲何不可知於何知之知之以

而已故至誠如神

康熙丙辰仲春之花朝廷陵後學吳光盟手拜手敬
題時年七十有八

襄城記異編書後

高世泰曰余讀是編竟而歎曰斯所謂義也胡云異耶以爲異者謂鬼不當號也寧可謂世無鬼不可禁鬼使不號謂鬼不當號竟亦不當招乎骸骨不當聚而窆乎名次不當祠而饗乎然則三十年前竊徧中原之賊不當驅而逐乎五千義憤之兵塗肝腦斬晉領所甘心不當與共事乎吊祭不施旌勸不及廬而聚者忘其旣害經其里者莫念其慘傷獨有一父沒不識死所

二曲集

卷二十三

家範記異

八

之孝子哀吟數千里曲折紆道以求至其地匍匐郊原擗踊烟靄大慟以修薦享亦將以爲異乎余聞二曲先生之孝也關中人人頌之駱使君執弟子禮敬事之辛亥延至吳中春丁至止吾錫不拜一客不接一賓講道於明倫堂獨與余若有夙契留荒齋者七日每於空庭露坐談及他人之事親輒仰天大呼淚落不已清夜晨興時聞哭泣余亦不敢問先生爲何事猶強以朱夫子山川出雲閒身空谷之句爲寬慰掩涕

言別別去經年而始知先生之志在襄城也本
於至性之精誠發而爲無可奈何之極思先生
至襄而襄之茂宰東峰張公邑紳耆翁劉公群
起而治大塚成義林以修祭享緝志乘以垂永
久若奔命之不遑豈爲李先生哉感於義也昔
者元時有三卯錄載成都殺戮之慘朱禪孫死
而復生出而道其事賀靖權成都聚城中骸骨
一百四十萬城外者不計時有史氏兒光者年
方十三從母程伏林莽遇兵害光亟從艸埜空

其尸而識之曰史光母具書生卒歲月史以此
兒延其嗣爲名族二曲先生所遭旣非史光比
乃其矢志專一焄蒿積精歷三十年而不渝亦
豈光之可及古今不忍見聞之事恒由一人之
志行以傳大抵如斯先生以體道之躬發明此
夔絕匪懈之義流俗觀之似非常而實常耳義
爲幽明準夫亦何異之有

襄城紀異跋

歲庚戌 隱君先生客龍沙禪院除夕號泣聲
飄蕭出林薄隨悲風遠予聞之嘆息曰此必孝
子也雨雪載塗携杖出訪知先生哭先人之殉
闕難也追感歲時孝之至也聆殉難顛末有不
墮淚者其人必不忠觀隱君之誠敬悲切有不
墮淚者其人必不孝別隱君二年後得襄城紀
異錄覽竟而人以爲異非異也先生淚盡血繼
至誠之道通乎鬼神孟子所謂至誠而不動者

未之有也聖人未嘗不敬鬼神但遠而不詔今
之講學家以鬼神爲烏有以言鬼神之事爲邪
僻此未得程朱之真傳徒襲程朱之唾語何足
以教天下後世况民之無良旣不知聖人之教
惟鬼神可以震恐其心志使稍有所畏憚若渺
以爲烏有併已之祖父亦渺以爲烏有矣歲時
之祭亦可不設卽祭亦以爲故事也玩忽焉而
已襄城之鬼聲大作若喚醒天下之言無鬼神
者是卽先生木鐸天下之功化也事足千古矣

毘陵公獻恂時年七十有七

曲集

七

襄城紀異跋

造化之氣機至靈至妙感於此卽應於彼莫知其所以然握其靈妙之樞而運用不窮者鬼神也吾夫子繫易確然以精氣遊竟指出鬼神情狀此豈矯誣之說哉至若詩書所載玄鳥生商帝武啓周赫赫洋洋徧滿天壤中庸特發體物不遺之義而歸諸一誠抑可謂深切著明矣余讀襄城紀異竊有感於信吾翁殉難沙場以死勤事忠也厥嗣二曲先生招魂設祭以禮寧親

孝也維孝與忠摠歸一誠此以誠感彼以誠應
有如山崩鍾應氣到灰飛襄城之事卽大易中
術之至理也又何疑焉不特此也今二曲先生
講學關中力荷聖道方且大闡濂洛姚江宗傳
以淑人覺世聞其風者無不翕然向往良知一
點洞徹幽明信吾翁定當含笑九京克享祿祀
彼五千餘人者姓氏雖湮忠竟長在亦當藉信
吾翁以不朽矣

襄城記異跋

古今之名義稱君父而怪異稱鬼神然離君父而言鬼神則鬼神不靈離鬼神而言君父則君父亦不靈惟卽君臣父子之故有以發鬼神變現之奇此其事每令人傳頌之不衰昔二曲先生應郡侯駱公之迎蒞止吾常閣學明倫人心咸豁予每以不一見爲恨返旆之日招覓於襄原四壁鬼號閭邑駭聽丙辰春仲從遊徐子以襄之茂宰東峰張公記異編觀予讀竟喟然嘆

興曰有是哉常道若斯之靈也信吾公奮義旗
誅逆闖忠也隱君勒石建祠盟祭孝也卽曰信
吾翁捐軀殉難當作義鬼隱君必欲求信吾公
之靈而妥之室然茫茫大化孰是可留縹緲白
雲招來奚據而顧乃吐聲空中悚動襄邑不特
信吾公一氣吁吸併汪公與將佐以迄五千人
亦各若呼者之必應亦獨何歟爲之徯徊爲之
緬想共爾荒原於焉奚似意者隱君一人之血
淚迥酒而起長夜之慘號生雖力屈死必崢嶸

意者賊鬼之就擒呵責而動忠覈之震盪且也
天地不滅精英亦不滅則此慘慘淒淒者意或
長聞於宇宙有着卽碍有戀卽欲則此數千靈
爽之獨往獨來者意或自茲以後盡返遊乎太
虛嗟嗟以是爲常亦真常以是爲異亦真異絕
神異絕尋常絕尋常絕神異淺人泥其迹淺人
解其理而事與理咸通名致之自同之襲人襲
人不知問之當世讀書者讀書者不會請還以
質之隱君

三曲集

卷二十三

晉陵曹有章可聞氏謹跋

詩

讀襄城記異有感

躑躅荒郊一樹白楊青
火近黃昏終天不返收嶠
骨異代仍招復楚冤
少室愁雲隨獨鴈
潁橋哀水助啼猿
五千貂錦皆忠義
孰似南山孝子門

東吳顧炎武

田橫島上客猶存
坏土襄城鎮大坤
忠義林成百萬樹
風靈色動五千冤
骨留青塚山河壯
氣吐長虹天地掀
落雁峰頭回首望
遙遙千里紫霞軒

其一

二曲集

卷二十三

襄城言

十五

忠烈干城名敬長義林今日共傳芳鬱葱佳氣旌旗
閃森列貞珉日月光化碧九原燐酒血留丹千古骨
生香青青塚樹鶯啼夜華嶽雲飛歸故鄉

其二

吳光

太華峰頭望白雲麻衣千里哭襄原
風塵遠見旌旗色草蔓深迷壁壘門
花落野棠寒碧血塚留明月伴黃昏
何來空際聲聲厲有子能招萬古魂

晉陵壯壽

麻衣慟哭到襄原楚些聲中酒一尊
荒井凍泉藏俠

骨古城陰雨泣忠魂窆杉慘澹環祠宇蝨蟲崔巍表
墓門鐵馬金戈當日事五千英爽尙如存

延陵吳發祥

襄城埋骨濁河旁孝感忠魂起北邙肝腦乍逢新雨
露旌旗陰護舊金湯飛沙夜氣迷祠宇落日秋濤冷
戰場最是子心收淚處義林松柏旣成行

丹陽賀繼徵

生死由來幻夢因不須寒夜泣青燐舊時擊賊常山
笏今日升壇廟食臣松柏初疑千古色人情欲展百

年禋清平天子褒忠節還有皇封慰爾神

徐天閑

萬里歆聞正骨香義林風烈古睢陽同人舊痛餘丘
木閱世新愁隔澣桑電馬雲旂明曉色金鳧玉匣吐
宵光眼看群盜須臾盡華嶽峰頭返故鄉

其一

悠悠濁世節何清不使中原草木腥一旦玄霜飛白
晝千秋月黑鎖冬青男兒死義真南八草莽稱臣薄
管寧多少太平長樂老也携香鉢上新亭

其二

肅穆靈筵薦一卮夜臺方識有鬚眉銅駝永歎埋叢

棘石馬重來汗舞衣信友謝翺成許劬思親束皙補
亡詩高官亦寫褒忠錄讀到襄城是義師

其三

龍沙古寺揖名賢坐久深談忽黯然三十年餘心作
鐵五千人膽骨撐天山頽木壞知猶在艾菀蕭敷亦
可憐不見武侯祠下柏至今斑駁似龍眠

其四

丙辰二月宜興趙民邵贊

庚戌冬月 二曲李先生來毘陵余從家大人

謁 先生於龍沙禪院遂得時聆教言兼聞

太翁殉難之畧復荷 先生拜先襄文祠臨行送

別忽已六載矣因讀襄城記異感而書此

聞說襄城事於今又六年忠魂應在爾義氣實昭然
祠建千秋仰碑存百世傳何時一瞻拜憑吊戰場前

毘陵唐宇肩

中原戎馬昔紛紜豪傑關西氣不群擬執朱旗揮逆
賊翻將白刃報明君三更鬼哭襄城月萬里魂歸華
嶽雲聞道義林寒食後路旁遺老拜孤墳

毘陵楊昌言

馬革誰收戰骨香青蠅多少吊斜陽一腔血化三年

碧十畝寬歸二曲桑白刃春風方解脫沙場燐火也

輝光懸知厲鬼酬初志風馬雲旂直帝鄉

其一

濂洛通通洙泗清百川一洗九州腥
蓼莪我不忍吟臯比心史何時得殺青
豈爲備員編隱逸肯因探策謾清寧
江雲渭樹人千里極目思登木末亭

其二

投醪痛飲水邊卮楊柳樓頭只鎖眉
薇蕨幾莖馨俎豆爛斑五色壯戎衣
招魂誰向沙場草絕命難尋衣帶詩
溝壑五千尊社稷史官何請敗王師

其三

蒼葭白露阻高賢函谷泥封然未然
我命不猶生滅

劫群魔何敢勝諸天軍中捫虱無人識市上吹簫每
自憐遙想二陵風雨夜聞雞起舞不成眠

其四

靈巖比丘生菴濟永

賊勢平吞洛終南振義聲腦肝酬故國靈爽撼襄城
片石千秋古荒丘白日爭孝思無限處封表待清平

徐 趙

泯沒何勝道忠魂疑太空一身誠血貫萬鬼性靈通
天地悲愁裏官民錯愕中茲襄有是異應與岷山同

環繞孤城慟一聲依然生氣薄乾坤片時七尺撈霜
刃留取丹心伴日星廟貌千年新不毀蘋蘩兩薦潔
而誠男兒孰是無長夜得似襄陵萬古馨

張允復

浩浩乾坤立此身那甘沒沒老風塵顏頤稀血尋常
事委壑填溝不愧人義在豈辭寒夜雪賊存何意故
園春睢陽死後男兒弱力振王家仗節臣

徐英粲

成敗休將勘異人渭南諸葛淚沾巾誓平逆闖歌還

二曲集

卷二十三

襄城記異

十九

十九

錦愁滿孤城哭向秦關疾奮呼驚霹靂戰甘飛劍動
星辰當年天意存恢復此日菱州慶老臣

徐幼與

歌

信吾公死於王事忠也二曲先生招魂以歸孝也忠孝所感不可誣也系之以詩

天神地祇人鬼列三才如問參屹立上古至聖與天通中古地天乃隔絕信翁忠血灑襄城義軍半萬殉聞逆聚歛魂魄慘來歸立廟歛然顯厥烈實本仁人孝子心金甌方諸向日月水火微名不予欺父子一氣豈關遇君不見鬼哭常聞古戰場青燐猶照寒泉碧塋爾忠臣義士魂鞭風雲叱霹靂慎毋爲厲以虐

人妥爾靈壑爾骨出入幽明間浩然天地塞

晉陵韓 陶

崇禎之季妖李起群盜延蔓如螻螳名都大邑縱鯨
鯢長墩短塹走蛇豕五城十城無饑饉昏昏一色萬
餘里氛冷直逼臯門橋雒陽金谷生荆杞潁昌斥候
燧火連潢池攪亂蛟龍水大帥擁幢長竿渠見賊不
敢瞪目視鼓鼙音啞譙聲暗空使至時思拊髀牙璋
鐵騎自逍遙三川處處無完壘維時關西李將軍劍
濯絳髮誓斷指七尺超踔躍馬出雙背直上無轉徙

願將一戰掃機槍不惜賭命報天子汝州轉戰賊
湧援師不至孤軍抵中丞汪公亦赴難五千義兵同
日死陰風慘澹狼狽叫寒雲摧天白日紫西向再拜
睢陽同海島徒屬用橫比將軍有子稱隱君孤蹤卓
品出塵滓浩氣沛然灑人寰恍如鶴停與鵠峙絕學
上接濂洛傳窮理真探孔顏蘊白杜蘆威百結衣歌
頌原生還拖履徵求使者日相催除書屢下黃詔紙
膏肓不換游巖服蒙面竟覆姜肱被每念公父戰場
時中懷哽咽嘗出涕重跼出關抵蕪原決血抗寬度

禱祀帝告巫陽使及身寬令歸來亮筵几吏人慕義
勒貞珉鬼聲號切依霜卉青磷閃忽四野飛髑髏磷
磷皆壯士豈是髣髴能靈恠要之仁孝格神鬼義林
鬱鬱列松楸百年俎豆留芳軌吁嗟乎閭賊甲申潰
京師將帥蒙恩誰寢兇殉烈獨有寧武軍忠誠奕奕
照青史國家養士欲何爲忍看蔓棘銅駝裏

閩中陳 賦

襄城紀異歌

運會際變革民庶罹坎坷義節委草莽淹沒其奈何

維彼純孝子至性動天和鬼神昭格顯賢達褒贊多
遂使俠骨香千載無消磨昔聞流氛起荆豫蹂躪中
原無寧處王章板蕩兵力微五塵三都俱佔踞殺人
如麻髑髏寒平原血滿生波瀾總制汪公死社稷關
河豪傑無歸鞍是時旗靡鼓聲絕襄城四望人煙滅
永夜誰看燐火青白楊徒向悲風咽關西壯士信吾
君慷慨仗策何忠勤以身許國明大義玉碎同作崑
崗焚李君有子賢聖士忠孝相沿襲世美朱程孔孟
得真傳屢謝蒲輪高不仕是時先生尙藐孤卽思負

殞大愴呼徒以有母悲笑子念年涕泣銀海枯歲在
庚戌母服闋痛念遺骸心彌切墨衰屨履事長征衰
感傍人爲歛血孝子東行出古關蕭蕭艸木盡愁顏
神明邑宰欽高躅負弩傳餐俟往還墓塚白骨久山
積恨血年來已化碧終古誰知姓與名惻惻煩冤匪
朝夕同仇賴有李君賢義士旋因孝子傳精誠能使
金石昉天人應兆豈茫然銘碣欲成清嘯起紀異傳
呼遍閭里豈必蕩城戰士覓正氣搏乎自爾耳吁嗟
乎不朽功名孝與忠行藏成敗將無同子臣家學淵

源嗣襄城萬載傳高風白楊歷歷埋芳地氣列鱗聯
烟草被行人坐卧讀遺碑片石郊原彰孝義日骨平
沙多戰場西風落月任淒涼何能盡遇尊賢寧錫類
同教姓字揚

仁和潘杓燦

月山

襄城記異律詩三首有序

鍾麟

向尹二曲師事隱君季先生八年有奇省愆

補過幸得告無罪於地方實惟先生之教先生善
規誨每造廬卽命靜坐坐久惟時惕以政事之不

合人心者視有合處止以鮮終爲戒從不出一諛
詞侍兄杖屨常言太翁信吾公暴骨未歸以母在
不獲尋覓狀泣淚卽潛潛下八年中不啻十數如
之鍾麟嗣遷京秩欲請先生同行廣勵北方學者

先生亦以母在爲辭未幾太翁逝世先生廬墓不
出鍾麟適爲郡司馬止一承問哀毀狀不獲如向

者數數見也惟時制臺莫撫軍自謬因

鍾麟

表薦

卽謀辟舉先生先生聞知被褻經苦謀遁跡因中
止鍾麟旋移延陵守遣僕迎先生廣歸東南學者

先生既允且辭曰汝但先復爾主我今且辭墓向
襄城求尋父骨得則來不得則行止未定也泣決
遂潛潛下是年冬抵襄襄尹東峰張子固素慕先
生極盡東道之敬稅駕郊迎同邑紳衿宗族躬
爲圖畫銘墓骨立碑建祠一一曲全先生純孝
之志逮先生講學東南歸不五閏月歷歷告成舉
動出人意表噫斯良是廟者敬垂異行於萬禩矣
寧僅青燐夜响如泣如訴如慰如謝諒人聞聽足
記已耶詩爲并及之

聞道襄城古戰場五千義士困殘疆援師不踐君臣
約孤旅爭求日月光國史恨難稽姓氏神墟幸已聚
馨香誰知白骨皆無主萬古能憑孝子揚

孝子徵書先未垂哀思父骨步求之忠魂不泯通幽
感義壘旋成訝異規錫類頃收荒骨盡遺芳應續史
臣知慚予夙昔師資舊悲感徒遺哀挽詩

義骨幽香幾已矣神君張尹迥奇哉經筵未聘悲筑

疾血淚誰憐泣夜臺

隱君三聘不起今上癸卯年
事襄城竟竟職玉乃庚戌年事

一自公能酬至性不令子職有遺哀襄原從此傳聞

吳祀祠行看壘詔來

駱鍾麟

襄城紀異十三韻

鬼神不可測誠至自相通在昔襄城役曾令壯士空
白雲千載恨亦淚萬家同姓氏平沙掩功名衰艸封
烈烈徇國者中有信吾翁令嗣諸士仰高踪帝眷
隆矢懷求父殂徒步出關東憤怨宜回日哀思欲貫
虹維能全大孝端可格孤忠賢尹崇遺表豐碑紀故
雄魂兮昭盛德夜乃嘯清風咄咄天人接洋洋宇宙

克從茲一片石揚誦永無終

臨安章士鯨

雪庵

賦襄城記異二律

賢豪自昔挽臣綱
救義名傳古戰場
白骨始歸今石
空丹心不愧舊旂常
忠魂半夜鳴昭格
俠氣千秋副
表揚自是顯親憑
孝子曾教錫類盡垂芳

襄城皓月新遺塚
賢宰高風慰義靈
淪血結沙成古
碧幽竈嘯夜報垂青
堅貞鳳巖千秋石
慘澹文章
古銘爲國顯
親雙濟美於今
忠孝有儀型

鄭瀛恕

正學久慕華嶽起儒宗群書萬卷破奇功一源通
至行輝千古孝思塞穹窿念怙泣壯烈慷慨赴疆場
忠魂三十秋迢遞不得接誰謂阻且長精誠徹幽宅
同仇五千子錫類通所思崇賢有令君建碑復立祠
孝子南行乃西返靈爽稱奇顯厥誠從來金石爭可
格矧復忠孝一氣迎江左絃歌茲絕響先生一顧振
嚶聲咳唾丹書霏玉屑心傳寶籙作金鍼延陵講院
重開席鄙子曾觀亦與升曾見郵筒丁寧語高山景

行時切承何時復接南遊駕陪侍儀刑論聖經

陽美困學子吳晉刻

蘭陵旅次誦瑤篇大節凜然媲昔賢報國有懷身已
致招寬無術淚常懸城頭日月皆昏暗塞外屍骸久
棄捐沒後何心歌頌集維忠與孝自堪傳

閩蒲陽林垂規協工氏

賢勞當世變王事一身輕瘞玉留芳草歸寬樂故城
精靈原不泯孝感自生情莫謂聲來異無聲却有聲

毘陵楊瑀

歆聞義勇挽乾綱半萬忠魂殉戰場馬革裹尸全大
節旄頭出火續微陽鼓聲不起猶衝陣劒氣橫空更
吐芒過客停車探往蹟黃沙白草尚含香
剪紙招魂何所之建祠設祭不勝悲千秋方策雖傳
信一日君親可對誰夜靜幾聲嘶鬼馬天陰雲霧擁
靈旗于今多少興亡恨知向高臺空淚垂

武進古迂張 侗

奇人天誕著奇名俠骨丹心貫日精奮力撓撓千騎
馬致身鋒鏑萬夫兵思親不憚招魂遠至孝猶能動

鬼隍隱隱荒原隆起處義林高塚擁襄城

蒲坂廬夢植

聞說襄城事令名今古揚官卑能取義孝大足傳方
俎豆千秋業綱常百代光一門忠孝並青史自馨香

同州馬 標

三萬旌旗出漢京五千壯士殲襄城忠魂獨奮風霜
色勁節還爭日月明千載義林傳盛事終天孝念格
思成當年多少同袍容得與先生垂令名

左輔馬睿士

夢苗惟變故忠孝古今難自墮千行淚竟招百念酸
醇誠天地動冥泣鬼神寒感慨義林跡芳椒播紫壇

馮翊馬嗣燭

附

與襄城令東峰張公書

顒父某於崇禎十四年十二月二十四日隨監紀同知孫公兆祿從征十五年二月十七日賊陷襄城遂歿於亂兵顒母子未聞的信朝夕望歸旣而闖逆入關顒始絕望踣踊痛哭誓期覓骨招魂少慰終天彼時徒以孀母在堂不敢違離兼之艱窘萬狀不能遠出致父羈寃異鄉無所棲依霜晨雨夕走燐飛螢顒茹痛疚心三十年於茲矣往歲顒母病故三年服闋

特匍匐茲土期招父魂雖於土主祠前已具有哀請
之詞然而人微言輕恐難驟格于神聽竊聞在昔永
順土兵歿於南寧南寧太守爲之焚牒城隍以歸其
魂用是敢乞仁侯弘錫類之仁廣孝治之澤哀憫愚
誠不惜數字轉申土主庶數十載滯魄沉魂蒙津濟
而得返鄉曲永依瑩室不惟願也銜恩沒齒卽先人
亦且戴德重泉矣願無任伏地籲天悲號祈望之至
公得扎卽於是夜齋沐次晨詣廟具文躬禱索魂

經

康熙九年歲次庚戌朔八日襄城縣知縣張允中敢
昭告於

城隍之神曰嗚呼先朝崇禎十五年闖逆李自成播
虐中州關中李子中孚之父諱可從從監紀孫公同
汪督師殉難襄城至今三十年幽忠未表游魂靡定
誠千載恨事李子自秦之豫間關匍匐欲舉其骨而
呼其親仁人孝子之心殊可憫也猶惓惓以爲未洽
神聽恐不可得備知縣一言以致其誠知縣不敢以

固陋辭伏念昔時王少玄於野中白骨得父齒以塋
史五常入廣求父襯號泣籲天竟獲骸骨此固兩人
至性足以格天實神明之昭赫顯靈不忍孝子湮沒
無聞抱終天之恨於無已也李子至性不減昔人而
闡明絕學尤爲主持名教之身神其鑒此一念而諄
諄來告耶或者歷年已久陵谷變遷沙走塵飛之餘
滴血無從然烈烈忠魂必不與草木同腐其升而爲
天上之列星歟其散而主境內之山川歟其尙飄搖
淒鬱皇秦隴而墮英雄之淚歟維神之靈使得相依

而歸安寬瑩室庶不負李子開開匍匐之意而神之
所以待忠臣孝子者果如是其昭赫顯靈也夫忠臣
孝子古今之所不常有也如是之昭赫顯靈之所僅
見也以不常有之人而得此僅見之事今而後益知
天人相感之故矣神其聽焉尙饗

禱襄城縣城隍文

陝西西安府藍屋縣布衣李顥謹以香楮之儀致祭
於襄城縣城隍之神而告之曰嗚呼惟

爾明神允作茲土之主凡在幽冥咸厥攸司茲有顥
父某於崇禎十五年二月十七日從征襄邑殞命王
事旅魂飄泊久羈於此叩祈

明神開牖父靈隨兒還鄉無俾迷戀長留異地惟
爾有神尙克相之

祭父文

維

康熙九年歲次庚戌十一月初八日不孝男鵬謹以
剛鬣柔毛之儀致祭於我

父之寃曰嗚呼我父棄兒母子從征茲土殞命王事
實甘厥苦所恨兒以母在之故不能收骨歸塋速返
故土以致

尊靈泣風濡露漂泊異域者三十年於茲哀哀此情
兒罪何贖今敬陳薄奠伏望我

父之寬赦兒往愆憐其積誠依兒還鄉用慰終天是
禱是祝

忌日祭文

維

康熙二十七年二月十七日不孝男顒率孫慎言慎行曾孫海謹以香楮庶羞奉祭我

父而告之曰嗚呼此日何日也乃我父昔年襄城殞命之日爲兒年年傷心抱痛肝腸摧裂之日也人誰不死無論富貴貧賤終有一死然皆疾病嬰身安床正命而死死塋故土子孫祭奠有所憑依獨我

父棄妻拋子離家千里之外橫死於賊刃之下委骨

於不親之地慘結愁雲恨窳坏土子孫百世而下遇
此日猶堪墮淚况兒乎思我父當襄縣被圍晝夜
攻城喊聲與砲聲交振臨難殞命之際思欲一見妻
子而不得兒卽鐵石作肝亦不能不傷痛而九轉兒
童年失怙今六十二歲老矣而哀慕之心常如一日
者實以我父之死情事異人故抱憾終身而無所
解於其心也茲不腆之陳以我母配英爽不昧伏
惟尙饗

每遇忌日祭必有文偶存其一並附此

二曲集卷之二十三終

二曲集卷之二十四

義林

襄城後學劉宗泗彙輯

義林記

襄城縣志

治西郭蓋有義林云千夫長李忠武公之所葬也公
佐制府汪忠烈公喬年駐襄勦賊賊圍城城陷汪公
死公與之俱死汪之靈輜南轅矣公血戰疆場馨骨
丹血藏之長坑古井間前令君余補菴築祠崇祀哲
廡尙未大備也愚增飭龕位樹立豐碑視昔有加康

熙庚戌歲李忠武之元子顥來長號五衢招父魂而
塋之鄉先生劉宗洙割腴田數畝立塋兆焉藏有文
石於窀曰烈士私謚忠武李公諱可從字信吾陝西
藍屋人生於萬曆己亥年十一月十九日子時殉難
於崇禎壬午年二月十七日後鐫知縣某立石吏部
候選同知眷姪劉宗洙奉祀藏石方濶二尺有六厚
七寸築土爲墓墓表石長三尺濶四尺有三上鐫李
忠武公墓五字兩翼小識附焉凡官是地與地之大
夫士各植松楸一二章蔚然成林爲郊青選勝勝地

題左樹石碑高七尺濶二尺有奇大書義林表異舉
也兩翼載好義姓氏云當公奮不顧身以身殉國蓋
甘心如飴無少怨痛者視濁墨形魄決棄不復撓懷
齒髮齧齒化爲疆場之飛塵以從飄風其混於沙礫
委蔓草而啖烏鳶皆非所恨惜推其精英昭爽飛揚
雲霄騰督府之牙纛環畏壘而依附之首麓汝涯定
是快心之區比老死丘園固不屑俯首全歸亦如况
也年運而往木拱且抱薦蘿附石松栢參天騷人憑
吊遊士流連必且瞻馬鬣而式之豪歌悲壯灑經雅

之醇膠抒忠貞之氣志也疇謂是舉爲無裨於忠武哉

邑令張允中記

義林述

壯士整厓李君從督師汪公喬年討賊河南抵襄城
縣賊圍襄城城陷賊磔汪公壯士死之後其子隱君
二曲先生顯親至死所招魂而葬焉於是城守游擊
將軍王君天錫知縣事張君允中暨邑之士大夫暨
碑塚旁立祠祀之而名之曰義林友人有遊襄者歸
語其事俾爲文以述之李因篤曰予嘗聞整厓有齒
塚蓋壯士君旣應募東征將行挾一齒與隱君之母
彭及隱君成母寵安奉齒合葬而曰齒塚者婦人之

義從夫者也然則隱君宜賦大招置旆車前歸而告
諸崗塚可矣而纍纍襲之胥丘則襲之將軍若令若
士大夫之意也夫當壯士之行留一齒訣其家人毅
然誓不返矣已而死褻使其體魄冠劍猶存猶當就
而封樹之況其在天之靈昭然可知者乎是故生不
顧返死而遷焉懦也出門從師殺身以之歸其神而
舍之貳也身不能爲國家保有襲則死之日當爲褻
人禦灾而捍患而使鬼確戀故鄉悖也懦與貳與悖
非孝子所以事其親也隱君思之矣雖然非隱君之

所得爲也。襄之將軍若令若士大夫之意也。夫壯士
非能保有襄也。曰保有襄則襄人之祀功也。今襄人
之祀義也以旌壯士君之烈而成隱君之孝則義在
襄以表督師之能得士而教懦夫使有立志斯真天
下之義林矣。蓋襄于是多苦子也。詩曰糾糾武夫公
侯好仇壯士有爲傳曰死葬之以禮隱君有焉。孟子
曰君子莫大乎與人爲善。襄之將若令若士大夫有
焉。

康熙十年孟冬既望

三曲集

卷二十四

詩

四

關中李因篤撰

義林誌序

義林曷誌乎誌義也曷言乎其義也夫子之贊易也
說卦傳曰立人之道曰仁與義其於論語又曰志士
仁人無求生以害仁有殺身以成仁而孟子曰舍生
取義仁之與義一而二二而一者也義之爲用廣矣
大矣然而人之所欲莫甚於生所惡莫甚於死慷慨
赴義奮不顧身至死不變強哉矯矣此襄城之所以
有義林也崇禎壬午年間闖賊蹂躪豫洛蓋屋李徵
君父信吾公倡義勤王偕五千人隨督師汪喬年監

紀孫兆祿救藥城裏醫汪翁二公死於賊信吾翁死
五千人亦死義聲赫赫義人念翁不忘爲之起家西
郊共樹松栢楸楊惺然成林康熙辛亥徵君孝思
殷摯抵襄招蒐哀感行路裏中東峰張公構祠俎豆
勒之貞珉名曰義林而諸同人垂言孝思唱歎義烈
此義林之所以有誌也嗚呼北年一聖古阜纍纍蓬
蒿滿眼滅沒於荒煙衰草間賢愚莫辨矣安得如今
日義林永言唱歎而聞風興起立懦廉頑其有裨於
名教豈淺鮮哉蓋仁之與義爲天地立心爲生民立

而若信吾翁與徵君非所謂立心立命者乎徵君之
孝仁也信吾翁之忠義也仁之與義一而二二而一
者也襄之君子秉彝好德人有同心既誌之矣余是
以樂得而爲之序

康熙十一年仲秋朔

晉陵吳光撰時年七十九

義林圖說

義林圖義林也義林有令君張東峰爲之記有關
中李天生爲之述詳矣記列其義也述美其義也海
內士大夫讀其記復讀其述莫不知襄城之有義林
云使無以圖其形勢則道里遼遠心竊嚮往者或以
限阻而懔嘆於勝狀之莫覲是居是邦者之過也義
林在吾襄西郭外南北通衢之左面邑城背汝水其
蜿蜒於西北者則龍池東隅也其岑巖於西南者則
令武首山也其遠近環列如拱如揖如趨如赴者則

村落廬舍祠宇陵墓也而先君子墓地乃居其左洛
中王屏翰常過而吊之有城頭慷慨誰同調墓地蕭
條有北鄰之句蓋壬午之役共罹鋒刃今丘壠又相
近也泗井能畫者睹茲義林感慨係之聊卽形勢狀
其梗概庶幾覽者按茲圖如登其林慨然想見其英
風而忠義之心油然而起斯真天下之義林矣

康熙十年歲次辛亥襄城後學劉宗泗頓首謹題

烈士李公贊

嗚呼公以倜儻不常之勇畧遭方張不制之寇提劍
從軍奮不顧身思勤王室其忠烈所激豈不壯哉至
以賊之虐焰方熾抵死以敵厥功不就要以天之不
佑非志之不振也嚮使天不厭明左兵來會二帥合
力殲滅逆賊恢復王室舉天下還之本朝豈遽出古
烈士下哉世以成敗論人以大功不就徒死孤城無
尺寸之益此刻論也竊計世之人有讀書數萬言而
臨難畏怯甘自屈辱改節事人豈非少哉而公獨以

忠烈之氣挺然不屈殉難如飴卒完名全節著義無窮求諸史傳雖南八何以加茲其子顯刻勵力行倡絕學於當世其亦公之遺教使然耶

古南汜後學劉 晟

序

義林題咏

自汪督師遇難襄城一時從征將士無不以身殉國而李烈士之節烈爲尤著義林耆表李烈士之墓也烈士爲二曲先生之父以材官從督師討賊不克死康熙辛亥二曲先生招覓至襄哭於社甚哀爲言烈士因汪督師討閩賊應監紀孫兆祿之募隨督師出關兼程趨襄與賊戰不利城守城陷被執不屈罵賊遂遇害襄人憫烈士之忠而憐二曲先生之孝也於

是起塚西郭門外鑄姓字庚甲於石墓焉邑令張允
中表於道曰義林因爲之記富平李因篤作有義林
述延陵吳光爲義林序其誌四方學者多所題咏另
有紀茲所彙而爲冊者悉皆出於襄之輓歌以襄之
故老猶能稱述其逸事卽今之仕宦於斯生長於斯
者又皆曰爲登臨徘徊憑吊不能去者也方今 朝
廷廣開史館纂修明史採錄督師並及烈士登之國
史豈不與張巡南八並垂千古耶 泗先君子以從事
佐督師與烈士同城守復同罹鋒刃序茲義林感

係之操筆和淚不知所云

皆

康熙辛酉春二月襄城通家晚學劉宗泗題並書

詩

風雨蕭森處寒生寶劍光秦川多俠烈豫土待平康
天道誰能測君恩未敢忘千穉真介胄日月共輝煌

右題義林

襄令三韓蒲敏政

題義林

風塵勞去馬羽箭出潼關吐色洛陽裡天威嵩岳間
便言撓搶掃豈謂鬼神還英氣餘長嘯俠聲塞碧山

襄司諱商嗣琦

漠漠長堤水憑高吊暮烟乾坤新歲月裨史舊編年
沙流不轉石峽銷尚聞鵲定有英雄氣潏洄護大川

康熙庚申秋八月題

烈士塚

司訓古穰高潔

朝廷思猛士意在愛生成骨以壯心童身繇報主輕
丈夫別有願男子不求名莫灑千秋淚天地本忘情
吊李烈士墓

後學馮天培

三秦饒壯士用昌固封疆劍景春雲冷殺聲夜月黃
人緣無大志天不佑巖廊遊騎經行地深憐古戰場
守黑三頭讀義林吟因書

黃甲雲

輓吊

李忠武先生殉節

鬚髮猶難保衣冠不再逢難將千古血不問一朝鐘
忿氣青山裂壯心春日冬且休談節累痛惜馬如龍
皆

康熙辛酉龍八月

汜南後學魏名鄉頓首敬題

烈士義林

累累北邙塚千秋獨義林殺身溝壑志作厲報君心
栢葉知方向陰風起怒吟天憐昌厥後重付朱程任
何慊

世亦誰無死乾坤重此身行人識孝子道路說忠臣
負願豐碑古雲烟野塚春相憐生意氣碧血不腥塵
一曲先生曾託省視

老先生祠病久見諸君子作義林詩聊成八句附後

後學張 鑒

過義林吊

忠武李公之墓

莫煩絮在酒何用炙爲鷄傑士孤忠健英人萬騎嘶
鴻毛原有恨泰岳可相齊馬革真堪笑丈夫眼不迷
庚申冬日

後學耿日霖題首題

寒月滿霜花行人望處嗟誰知萬里客却被五雲遮

芳草英魂徃西風豪氣賒頭顱原自愛總爲帝王家
後學萬邦平

天澹雲長溼疏山暮雨多祗緣明素節何畏死群魔
雨雪腸堪見秋歡乞求和從來哭牖下相對且如何
後學井見田

千里馳天馬膽今逆賊寒山河憑盡鞍君父託雕鞍
自有血誠在何憂肢體殘英雄留本色盡與上蒼看
後學張雯

偉矣先生節憑凌泗水隈膚功難介冑大義勳風雷

忠孝思天性詩書篤降才於茲崇俎豆弗祿慶方來

庚申秋月挽吊

李烈士

後學耿 勲

拜

李烈士墓

飄雨十年一劍寒丈夫心事不摧殘春來西隴松楸
色夜夜紅光牛斗端

俠情自許作神明義氣凌雲非借名翻笑向來馬革

願何如千古自長生

汜南晚學姚郡

浩氣澄江海先生氣愈賒爲天立柱石不自念身家
事業原無盡聲名寧有加吁嗟汝水上何處吊烟霞
辛酉清明恭詣

義林祭

忠武李太公墓有感

通家晚學生劉青駿

故壘當年蹟晴嵐野樹齊此山石未爛何代草長萋

浪湧秦關月巖耕漢塞泥誰詣登矚意返照暮鴉歸

戊午仲秋登

義林有作

後學李錫

出關饒壯氣雪刃報皇朝雲冷千夫帳肝明萬馬驕
天原愛盜寇士豈畏殘消燐火何堪憫莫思出渭橋

後學井應益

士馬下秦州天王南顧憂寒雲簇劍戟密霧壓兜鍪
報國非無志全軀豈肯休至今殺氣在流落望嵩樓

晚學盛 敬題

挽李烈士殉難里句

乾坤傾頽如崩瓦，丈夫力死巖城下。
正氣凜凜天地間，陰雲慘淡迷荒野。
汝水東流去不迴，首山橫亘勢
佳巍。惟有忠魂自來往，秋風涼月照霜苔。
泉鄉古雖陽齒取義成仁博一死，萬年百六何事無如君報効。
真堪紀嗟乎古來直道在人心，野老吞聲淚滿襟。
不信試看斜陽外，斷草荒煙愁至今。

古南汜後學賈 詮

拜李烈士墓

虎賁龍驤士，攘命只知君。平賊抱奇畧，洗兵不告勲。
英風留萬木，壯氣冷殘雲。不作煩冤態，啾啾響墓墳。
辛酉如月

侯瑞

立馬郊原動慨吟，秋飈翠柏自蕭森。出關已是無生
想，仗劍何曾念義林。烽火孤城空戰騎，英風千古照
丹心。寥寥遺塚託高墳，野水寒烟衰草侵。

庚申如月謁義林俚言輓吊

忠武先生

通家晚學生劉青白頓首敬題

辛酉寒食設祭義林再吊

李忠武先生

徘徊泗上鳥吊古意何深
世代蒼茫色摧殘經濟心
衝風草葉勁啖血雪花沉
瞻拜高墳下夢其淚不禁
晚學劉青白再書於抱膝庵之左个

彝門烽火照東京
鐵騎聯銜列五兵
一自山樓吹盡
角遂令壘壁失長城
戰場石骨人間血
晚樹豐碑天

上名日落青郊風雨惡夜聞猶是刀戈聲

李紱臯

中原千里血殺氣動秦州鐵馬日星黯曜風天地秋
荒城餘鬼火白晝冷孤丘無限招魂賦山陽風雨流
吊

李烈士殉節

晚學劉青黎

荒城野樹照斜陽遯塚高碑大道旁千里飛旌勞鐵
馬支身倚劍謝穹蒼出師五丈心徒切抗節睢陽去

二曲集

卷二十四

李忠武先生墓有作

可傷獨使西郊風雨夜青燐冷落泣沙塲

拜

李忠武先生墓有作

通家晚學生劉青蓮

濺沫跳波雨淚啼
傑人斷不肯頭低
舍生祇願全初志
授命端爲破大迷
碧海孤身甘血刃
黃河萬古重流澌
地天無憾奇男子
未敢高聲向世提

辛酉秋月西郊吊

李烈士

次上後學禿心子李 焄

身喪戰場志不摧
特行獨立見無雙
令生取義心難
變之死靡他恨未銷
烈胆止憑青史著
游寬難倩楚辭招
忠臣浩氣千秋壯
英爽猶將翼聖朝

後學何 默

渭水鍾靈正氣敷
英雄應與世人殊
生前義志倫常
重沒後忠名古道扶
歌挽詩章傳屋里
旌揚碑碣暨
輿途不將姓字留
青史誰識關中烈丈夫

寓襄城都人馬永爾

二曲集

卷二十四

義林記

六

流寓襄城縣志

李頤字中孚學者稱爲二曲先生陝西盩厔縣人忠武公之子也忠武甘心殉節可謂以死勤事襄之官紳爲之樹龕位祠祀衣冠起塚妥侑英魂崇奉備至康熙庚戌先生赴襄招蒐適上谷王叔公建牙於此晉陽張東峯鳴琴於此岢嵐山馬晉錫振鐸於此爲之館於二郎廟與邑名構訂疑折衷多所開示襄人服其訓誨願以高第弟子事之先生曰先忠武墓斯廟斯頤固枌榆一後進小子也因附籍龍池保焉延

祖殉難而湯陰多嵇姓清臣完節而長山多顏裔子
孫襲祖父芳名傲而居之奉其祀事遂稱土著且天
祐忠寬必蕃爾胤襲城數千百年後又增蓋屋一望
與龍門分東西李云先生真儒領袖理學宗工在關
西爲督撫大寮所矜式寓江南爲宿德名鄉所景從
直入孔顏堂與不僅化朱陸異同也著作種種皆身
心性命切要之功坐言起行識者謂文清新建燈傳
在茲凡古今典籍靡不洞究有十三經註疏糾繆廿
一史糾繆男二人曰慎言曰慎行能讀書克世其家

先生蓋丁卯年癸卯月癸巳日巳未時嶽降也

邑人劉宗洙記